

Kitci ayamihewiyiniwok mamawi e
 n'taweyitamowâtjik o kiskino hamagani-
 wawa, tepakop kekway ayiwak kihtci
 nanagataweyitamiyit gwayask kihtci ijit-
 twayit. Ekusi ka itasteyiki ot itasiwe-
 winiwawa : kitcikijikawa kita manatjitta-
 niwiwa. Ayamihewikijikake, mina kitci
 kijikake, ayamihewikamikôk kita n'tawe-
 ayamihaniwiw, Lames etweki. Ota-
 yamitjikewok kakkiyaw kita wi atjimisuwok
 seyake peyakwaw tattwaw askiwiwiyiki.
 Kita wi kackittamasuwok kihtci caska-
 muhitjik seyake tattwaw ispayiyiki Pâk.
 Kita wi iyewanicihisunaniwân nemitta-
 naw kijikaw mayawes Pâk ispayik. Eka-
 wiya wiyas kita mitjinaniwân awaswapa-
 ki wa iji ayamihewikijikake. Ot ayami-
 tjikewok kita wi otinamawewok kita opi-
 matjihuyit ayamihewiyiniwa.

XIV.

Kiepin mittone nanagataweyitamwan
 Kije-Manito ot itasiwewina, mina kitci
 ayamihewiyiniwok ot itasiwewiniwawa,
 ekusi ketsina gwayask kita gih itutani-
 wan ; maka ekusi kihtci iji kackittak,
 n'taweyitamwan Kije-Manito o nicoka-
 magewin. Atawiya namawiya wikkats
 ewokwoyiwi kihtci sakittowât awiya neta-
 weyitamakutji, Jesus-Krist e gih nipusta.